



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ანდრუსოვი ნიკოლოზ ივანეს ძე

ანდრუსოვი ნიკოლოზ ივანეს ძე [7 (19). XII. 1861, ოდესა, - 27. IV. 1924, პრაღა], რუსი გეოლოგი და პალეონტოლოგი, პეტერბ. მეცნ. აკად. აკადემიკოსი (1914; წ.-კორ. - 1910; 1920-იდან აგრეთვე უკრ. მეცნ. აკად. აკადემიკოსი).

1884 დაამთავრა ნოვოროსიის უნ-ტი (ქ. ოდესა). იყო იურიევის (ტარტუს, 1896 - 1905) და კიევის (1904 - 12) უნ-ტების, პეტროგრ. ქალთა უმაღლესი კურსების (1912 - 17) პროფესორი. 1913 - 17 მუშაობდა გეოლ. კომიტეტში, 1914 - 17 იყო აგრეთვე პეტრე დიდის სახ. გეოლ. და მინერალოგიური მუზეუმის გეოლ. განყ-ბის გამგე. ა-ის სამეცნ. შრომები ეხება დინამ. და რეგიონული გეოლ. საკითხებს, სამხრ. რუსეთის, კავკ. და ამიერკასპიისპირეთის ნეოგენური და მეოთხეული პერიოდების ნალექების სტრატეგრაფიასა და პალეონტოლოგიას, ოკეანოლოგიას, ლითოლოგიას. ა. რუსეთში პალეოეკოლოგიის ფუძემდებელია.

დაამუშავა ბლვიური ნეოგენური ნალექების სტრატეგრაფიული სქემა, რ-საც გარკვეულად დღესაც არ დაუკარგავს მნიშვნელობა. იმოგზაურა აფხაზეთში, იკვლევდა ლალიძგისა და დუაბის ხეობების პლიოცენურ ნალექებს. მდ.დუაბის ხეობაში გამოყო პლიოცენური ასაკის ე. წ. დუაბის შრეები (1909). ა-ის ოკეანოგრაფიული კვლევები შეეხება შავ (1890) და მარმარილოს (1894) ზღვებს, ყარა-ბოღამ-გოლის ყურეს (1897), იკვლევდა მათში თანამედროვე ნალექების დაგროვების პირობებს, ფაუნას, დაადგინა შავი ზღვის ღრმა ზონების გოგირდნყალბადით „მონამვლა“.

პეტერბ. მეცნ. აკად. ლომონოსოვის სახ. პრემია (1897).

თბ.: Взаимоотношения Эвксинского в Каспийского бассейнов в неогеновую эпоху, «Известия Российской Академии наук», VI серия, 1918, т. 12, № 8; Верхний плиоцен Черноморского бассейна, *ნგბ.*: Геология СССР, т. 4, ч. 2, в. 3, Л., 1929.

ლიტ.: ჯ ა ნ ე ლ ი ძ ე ა., ნარკვევები გეოლოგიის ისტორიიდან, თბ. 1959. Воспоминания учеников и современников о Н. И. Андрусове, *კრ.*: Очерки по истории геологических знаний, в. 14, М., 1965.

ვ. ჯავრიშვილი
